

# SAKSPAPIR

| Saksnr | Utval         | Type | Dato       |
|--------|---------------|------|------------|
| 026/21 | Formannskapet | PS   | 24.03.2021 |
| 033/21 | Heradsstyret  | PS   | 07.04.2021 |

| Saksbehandlar      | ArkivsakID |
|--------------------|------------|
| Ingvild Hjelmtveit | 21/682     |

## Deltaking i Digi Vestland

### Vedlegg:

Finansieringsmodell for Digi Vestland

Samarbeidsavtale Digi Vestland

Presentasjon Digi Vestland

VS: Presentasjon Digi Vestland

### Rådmannen sitt framlegg til vedtak:

«Osterøy kommune sluttar seg til samarbeidet i Digi Vestkland, og delegerer til rådmannen å inngå avtale om regionalt digitaliseringssamarbeid slik den ligg føre i saksvedlegget.»

## Formannskapet - 026/21

### FS - behandling:

#### AVRØYSTING:

Rådmannen sitt framlegg vert samrøystes vedteke

### FS - vedtak:

Osterøy kommune sluttar seg til samarbeidet i Digi Vestkland, og delegerer til rådmannen å inngå avtale om regionalt digitaliseringssamarbeid slik den ligg føre i saksvedlegget.

## Heradsstyret - 033/21

### HS - behandling:

#### AVRØYSTING

Formannskapet si innstilling - samrøystes vedteken(5SP,1MDG,1V,3KRF,2SV,4AP,4H,7FRP)

### HS - vedtak:

"Osterøy kommune sluttar seg til samarbeidet i Digi Vestkland, og delegerer til rådmannen å inngå avtale om regionalt digitaliseringssamarbeid slik den ligg føre i saksvedlegget."

## **Saksopplysningar:**

### **Saksopplysningar:**

Saka gjeld samarbeid om digitalisering i Vestland, DigiVestland. Framlegg til avtale om regionalt digitaliseringssamarbeid er sendt til handsaming i alle kommunar i Vestland. Denna er vedlagt. Denne saka omtalar bakgrunn for, innhald i og avtala om digitaliseringssamarbeid.

Digi Vestland er eit samarbeid mellom dei 43 kommunane i Vestland. Samarbeidet skal bidra til betre og meir likeverdige tenester til innbyggjarane. Eit overordna mål for Digi Vestland er å sikre effektivt mottak av nasjonale prosjekt og tiltak.

### **Bakgrunn**

Digitaliseringsarbeidet i kommunar, fylkeskommunar og statlege verksemdar skal i tida framover legge grunnlaget for utvikling av samanhengande tenester til innbyggjarar, frivillige organisasjonar og næringsliv. Dette krev samordning og samarbeid på nye og forpliktande måtar. Den nasjonale digitaliseringsstrategien «En digital offentlig sektor» adresserer behovet for forsterka innsats på digitaliseringsområdet.

På KS' Landsting i februar gav kommunane og fylka KS eit sterkare mandat til å samordne og sikre økt gjennomføringskraft på digitaliseringsområdet i kommunal sektor. Eit av dei sentrale tiltaka for å oppnå dette er styrking og etablering av regionale digitaliseringsnettverk.

Opphavet til initiativet om digitaliseringssamarbeid i Vestland, DigiVestland, er «samordnet regional digitalisering Hordaland, DigiHordaland». Samarbeidet vart etablert mars 2018 mellom nokre kommunar i Hordaland. Seinare blei det utvida til alle kommunane i Hordaland. I 2020 blei namnet endra til Digi Vestland samtidig blei det søkt om eit samarbeid mellom alle dei 43 kommunane i fylket. Fylkesmannen har støtta dette initiativet med skjønnsmidlar i 2018, 2019 og 2020.

Bergen kommune var initiativtaker til og ansvarleg for tilrettelegging av felles sekretariat/prosjektkontor for DigiHordaland. Denne rolla er tenkt vidareført i DigiVestland. Bergen kommune har dei seinare åra investert mykje i digitaliseringsarbeid og er sett på som langt framme på området. Bergen er også sterkt representert og lytta til på nasjonale arenaer i KS sin styringsstruktur, gjennom deltaking i KommIT-rådet, Digitaliseringsutvalet og ulike fagråd. Samarbeid om digitalisering med andre kommunar er med på å gi Bergen legitimitet i denne rolla, samt at deltakande kommunar får auka sine moglegheiter til å påverke nasjonale prosessar.

Digitaliseringssamarbeidet blir leia av ei styringsgruppe samansett av kommunedirektørar frå deltakarkommunane. Digitaliseringsdirektør i Bergen er leiar av styringsgruppa. I samband med utviding av samarbeidet til heile Vestland, har styringsgruppa vore supplert med to kommunedirektørar frå tidlegare Sogn og Fjordane. Desse har delteke som observatørar og gitt innspel i arbeidet med å utvide samarbeidet til heile Vestland.

Styringsgruppa har over tid jobba for å arbeide fram eit grunnlag for regionalt samarbeid om digitalisering i heile Vestland. Våren 2020 har ein utarbeida ein samarbeidsavtale og modell for finansiering av samarbeidet i Vestland, vedlagt. Styringsgruppa sender no avtale om regionalt digitaliseringssamarbeid, DigiVestland, til handsaming i kommunane i Vestland. Kommunane er bedne om å ta stilling til avtala hausten 2020. Det vil bli gjennomført ein signeringskonferanse og avspark for samarbeidet tidleg i 2021.

Saka har vore handsama i KS Vestland sitt Kommunedirektørutval og Fylkesstyre, som gjorde følgjande vedtak i sitt møte 14.09.2020:

*«Fylkesstyret/Kommunedirektørutvalet oppmodar kommunane i Vestland om å slutte seg til samarbeidet om digitalisering i DigiVestland.»*

## **Innhald i digitaliseringssamarbeidet**

Digi Vestland skal setje kommunane i stand til å handtere og dra nytte av den digitale utviklinga. Gjennom felles koordinering og innføring av nasjonale løysingar, skal løysingane raskt og effektivt kunne takast i bruk og gje gevinstar. Samarbeidet vil være bindeledd mellom den enkelte kommune og den nasjonale styringsstrukturen på digitaliseringsområdet.

Samarbeidet skal bidra til å forenkle informasjonsflyt mellom kommunanes eigne løysingar og fellesløysingar som følg av nasjonale statlege og kommunale tiltak. Kollektiv læring, erfaringsutveksling og felles infrastruktur er med på å forsterke og forenkle innsatsen på digitaliseringsområdet. Det er i tillegg viktige faktorar for å hindre digitalt klasseskilje mellom kommunar.

Digi Vestland samarbeidet skal sikre kommunane:

- Deltaking på felles faglege arenaer
- Tilgang til felles ressursar
- Oppdatert innsikt og kunnskap frå nasjonale arenaer
- Auka moglegheit til å påverke nasjonale prosessar og i nasjonale arenaer
- Innføring av standardiserte løysningar og tjenesteprosessar på sentrale områder
- Koordinert mottak av statlege og felleskommunale prosjekter
- Koordinerte regionale anskaffingar
- Eit felles kompetansemiljø på digitaliseringsområdet som vil auke moglegheita for å gjennomføre felles tiltak og være en arena å møte nasjonale initiativ

Sjå vedlagte presentasjon av DigiVestland for utfyllande informasjon om innsatsområder og organisering.

## **Økonomiske konsekvensar**

Fram til no har DigiVestland vore finansiert delvis gjennom skjønnsmidlar frå Fylkesmannen i Vestland og delvis med bidrag frå nokre få enkeltkommunar. Styringsgruppa legg til grunn at eit fylkesdekkande samarbeid må være like forpliktande for alle partar. Frå 2021 er det ikkje forventa tilsvarande skjønnsmidlar frå Fylkesmannen, då samarbeidet må reknast som etablert. Desse føresetnadane dannar grunnlag for finansieringsmodellen som er vedlagt saka.

Finansieringsmodellen forutsett at grunnfinansieringa som skal dekke drift av samarbeidets sekretariat og leing av regionale prosjekt, vert dekkja av bidrag frå deltakarkommunane basert på eit fast grunnbeløp og innbyggartal. Innanfor ei maksimumsgrense på 500 000kr. Det totale finansieringsbehovet for samarbeidet er 19,47 millionar kroner. Bergen kommune dekker 9,1 millionar av dette behovet, mellom anna gjennom sin deltaking i nasjonal styringsstruktur og kontinuerleg pågåande prosjekt.

For Osterøy kommune vil finansieringsmodellen innebære eit økonomisk bidrag på 260 000 kroner.

## **Vurdering**

Trygge gode, gode og effektive digitale løysingar skal gje innbyggjarar og næringsliv heilskaplege tenester. KS er gitt eit mandat om å samle kommunesektoren i digitaliseringsarbeidet og fremme våre interesser i dette arbeidet. KS Landsting peikar på regionale nettverk av kommunar innan digitaliseringsområdet som eit viktig reiskap for å oppnå dette.

Gjennom den nasjonale samstyringsstrukturen definera ein kommunesektorens behov. Mange av desse behova resultera i nasjonale prosjekt og digitale fellesløysingar som kjem attende til kommunane. Å ha tilstrekkeleg kompetanse og kapasitet til å ta i mot desse løysingane er vanskeleg for den enkelte kommune aleine. Samarbeid er nøkkelen til å oppnå tilstrekkeleg

gjennomføringskraft regionalt og lokalt i digitaliseringsarbeidet. Samarbeid er også viktig for å oppnå ei tydeleg stemme i den nasjonale samstyringsstrukturen, og på den måte være med å definere behov og påverke utforming av fellesløyser.

|            |   |                      |
|------------|---|----------------------|
| Folkehelse | - | ikkje vurdert i saka |
| Miljø      | - | ikkje vurdert i saka |
| Økonomi    | - | sjå saksutgreiinga   |

### **Konklusjon**

Saka vert lagt fram til handsaming med tilråding om at kommunen sluttar seg til samarbeidet Digi Vestland.